

Kayëte kigëna mba Piyer Wade yehëhna hnë inji kayëte

Afayik Piyer ña herëk inji kayëte wati nte kobëko gë icëm ntëwu (mpëd yëbëlan bëhn wafëhw imbëd g'iryaw̃ g'imbëd gë bëhn wafëhw imbëd g'iryaw̃ g'imbëd gë wahnah (65-69) ga ndëcëk hnagi Yesu ÿa). Kerëhnëkëhni vële hwëtahnëk va ßare yëtëlëfuhna bi ne nkeniho. Niradëhëhni soñe vëharan̄ wamër va. Andënkwëtehnëdëhëhni gante nkwënëdëni ikwëtahn dëw̃ hni ka do ikwëtahn dëw̃ hni ña kahnëk hn'ile njawëk. Yesu mbokajëd do atëfëkëhni kahnëndani hnë umë.

Wëlin wanës wakwëhn nafa hn'inji kayëte: gë fere, kila, vëharan̄ wamër, iyët.

Wëlin gante nke kayëte ka:

Simpayi (1.1-2)

Gante tëfëka nkeni vële kwëhnëk Këris va (1.3-11)

Kahnëndaryin hnë vile haran̄irun hna (1.12-21)

Soñe vële haran̄ëd wamër va (2.1-22)

Paryi Yesu mbokajëd (3.1-18)

Simpayi

¹ Ami, Simo Piyer*, aryokunëhn do afayik Yesu Këris, herëhnëdëhëhni aki vahnë vële njëd fak

* **1:1** 1.1 Simo Piyer: hnë vëkayëte vëndaw̃ Simo wacik Simeyo.

Wën ikwëtahn nte hëñëk gë ntëw̃ fu ña. Usatah Yesu Këris, umë ale ye Wën fu do Afehët, yëdfaku inji kwëtahn.

² Arabi yam ÿa g'ipërëna Wënu ña nkwënaw̃ duş, gë fere iyët Wënu gë Yesu Ahwëhn fu ÿa.

Imac do itëhna Wën

³ Gë fanka falëw̃u fa Wënu ña njëdakëfu fop ile valëkëfu ÿa soje nkehahnin gante ñad ka. Antik rac gë fere uyët ule hwëhnayinëk soje lëw̃u, umë ale w̃acëkëfu gë icëmb do g'ipërëna camah ntëw̃u ña. ⁴ G'icëmb do g'ipërëna tac Wënu ña anjëdakëfu viyë vihnëfak gë vifërën had gante ntehnëko kobëri ka. Antik gë fere vëyin, soje afehëtahniwu hnë viña vimeh iyi duniya vile fërëkahnëdëhëhni vahnë, do ayentahniwu ile nke Wënu ña.

⁵ Soje umë ye kamënarinyin awënu kwëtahn hun hna ipërëna camah; hnë ipërëna camah hna gwënëryin uyët Wënu ña; ⁶ hnë uyët Wënu hna gwënëryin imëk vankaf hun; hnë imëk vankaf hun hna gwënëryin iduñëna; soje iduñëna ña gwënëryin nkeya nte ñad Wënu ña; ⁷ hnë nkeya nte ñad Wënu ña gwënëryin injahnël hun ña; hnë injahnël hun hna gwënëryin injahn Wënu ña. ⁸ Kabi, ge kwëhnarun vanji vankeya, do ge pëlëk vënkahn va hnë w̃uhnë, antëwëdfun vifërën do ndokunëdfun duş do iyët hun Ahwëhn fu Yesu Këris nkwënad. ⁹ Bare ale wok kwëhnana vanji vankeya va, nke had ale w̃ëpëk; nudina duş. Andënkwëk Wënu ña njaryëka wameh wabë kobëri ña.

¹⁰ Soŋe rac ye, vēyēnta mēn, kamēnaryin aliwu imac gē itēhna Wēnu ŋa njaŵ g'ahawāry hnē ŵuhnē. Kabi ge ntirun koyēna, yodiluhna muk hnē wameh hna. ¹¹ Aki Wēnu ŋa kacadēhu g'afērēn Naŵ nte wok puđina muk mba Ahwēhn fu do Afehēt fu Yesu Kēris hna.

Vēle hnuk icēmb Kēris

¹² Soŋe rac ye, lakēnde ayētu vēyin fop, do fēna ahahnēndawu hnē toña le wēryērūn ŷi, nkođefu ryēnkwētehnēndu kwēlēkwēl. ¹³ Catanēko, age cēmēla, andēnkwētehnēdēmu soŋe woŵu vēhnēgak. ¹⁴ Kabi njētēbu biyēđina cēmēđefu, had gante tufēko Ahwēhn fu Yesu Kēris. ¹⁵ Bare ntidēfu fop soŋe woŵu aryēnkwētahnēndu kwēlēkwēl vēyin age cēmēbu.

¹⁶ Ante pēyaŷirunēho ŋa Ahwēhn fu ŷa Yesu Kēris mbokajēđ gē fanka, gena wēhnantul wahnahar nēsēhnirunēho. Bare nubun inaŷ ntēwu ŋa gē vinkēr vintēw fu va. ¹⁷⁻¹⁸ G'umē nkebunēho kuŋ pacah hna, wati nte ntēnēnkawo do cēmbēhnēkawo Wēnu ŋa Rēm ŷa. Wati rac, hnē Icēmb Camah ntēwu hna, Wēnu ŋa nkwēryēndanēka kopa lēwu ŷa, ntehn: «Aŷi ajē mēn ye ale ŷahnēbu đus. Hnē umē natēđēho.»[✧] Do kopa rac, fuhnē dēnk nkwēryēbun matind ambin.

¹⁹ Do fēna, tamahnēđefun g'ahawāry wanēs wakila Wēnu ŋa. Anjivēnēđun ge kwētarun vintaŵary hun hna, kabi nke had lampu le fēđik hnē umēhwēry hafo Fac ŷa tēki, do Kēris,

[✧] **1:17-18** 1.17-18: Matiye 17.1-5; Marēk 9.2-7; Lik 9.28-35

ikol sampërënkoli ɲa, pëtën wasakahn hun wã.
²⁰ Ani gë iÿin fop, njëtëryin ðus: wanës wakila
 hnë Vikerëh hna matina vinahan vidëw hni hna
 dënk. ²¹ Kabi pëgw kobëri ɲa, wanës Wënu ɲa
 matina hnë ahnë. Bare Iyir Ipacah ɲa lidëhëhni
 vahnë va nësëni wanës wante wãtik Wën hna.

2

Vëharaj wamër

¹ Kobëri ɲa, hnë bulunda Isërayel hna
 nkeniho wakila wamër. Aki fëna, vëryampo
 matëdëni fagant hun, do ntehnëdëni vëharaj
 ye, bare ile karajëdënihëhni vahnë va gena
 toña. Nësëhnëdënihu wajira fo wamër wante
 sëvehnëd vahnë, do ɲwëyëdëniha Aharaj ale
 sosahnëk wameh wadëw hni. Soɲe umë ye
 icëv ntëw hni ɲa tëkid ñap, do vëhni lik.
² Vëyabah tëfëdënihëhni hnë ndakëntal meh,
 antidënihëhni vahnë va njewëni nkaw toña ɲa.
³ Do ɲahñ dëw hni kori ɲa ntid nësëndëni pab
 gë wuhnë wëhnantul wale ntini vëhni dënk,
 ðanko tokanihu. Bare ambiyëk ga cëbik kiti lëw
 hni ÿa, napëdina, do biyëdina bëv dëw hni ɲa
 tëkid!

⁴ Njëtërun, Wënu ɲa kaÿëhnahnëlahna gë
 wamëleka wante wënëk ɲa, bare ntabëkëhni
 hnë umëhwëry vë janáma*, ñabehnëkëhni gë
 vankëncä hafo fac kitij ɲa. ⁵ Kaÿëhnahnëlahna
 gë ðuniÿa sër ÿa, bare atëvehnëko wënka
 wacankaf hafo wãc wã kohnëhni fop vële
 wok vëlënënhëlahna Wën va. Nowe, umë ale

* **2:4** 2.4 Janáma: Gë wagërek ɲa janáma wacik Tarëtar.

fëyadëhëhniwo vahnë ile satëk, gë vahnë mbëd gë vëhi vëyëntaŵ fo fehëtiko.✧ ⁶ Akitinjëk fëna vankol, Sodom gë Gomor; apëdëk vankol vatac hafo nko bëhn fo. Iyi dahëse vahnë vële wok vëlënënëlahna Wën va ye, soje tufini ile hnapëdëhëhni ya.✧ ⁷ Bare pehëtëka Lot, umë ale yeho ahnë asatah. Lot nudëhëhniwo vahnë vëvë vankol vatac vële wok vëlënënëna sariya ya do lidëho ndakëntal meh, do mbërehnëdëhawo dus hnë ntaŵary ntëŵu hna. ⁸ Ha, ayi asatah, ale yeho fagant lëŵ hni, nudëhëhniwo do nkwëryëdëhëhniwo fac-wo-fac, ntaŵary catah ntëŵu na korotëdëho soje vantiyehn meh vante nkok ñadina sariya va.✧ ⁹ Vëyin ru-fahnëd Ahwëhn a njëtëk gante pehëtëdëhëhni hnë uhorot vële wawëhnëdëha va, do njëtëk gante tavëdëhëhni vële wok vësatëna va koroteyehnahnini fac kitinj hna, ¹⁰ kas vële rëfëd viña vimeh mbahn vinte ronkënëdëhëhni, do yëwëk ucankaf.

Vëharanjam wamër va tamani dëcët, dakëdilëlihna njewënihëhni vële ye ambin cëmb hna. ¹¹ Wëla wamëleka wante lëbëkëhni imëk gë fanka fa waryëkënalohna njewënihëhni haryënkwa Ahwëhn a. ¹² Bare vëyi vahnë, had wulaŵ wahnënkawah nkeni, wale hnagik soje pëlayini do ndaŵini fo. Njwëdëni ile nkoni vëyëtëna do had wulaŵ, vëhni fëna ndaŵëdëni; ¹³ aki uhorot cosëdëni soje fop ile koroteyehnënihëhni viyënta hni va. Rëk tëkatëndëni uhnatah lëŵ hni g'idi wabal wameh

✧ **2:5** 2.5: Wapëgwala 6.1–9.28 ✧ **2:6** 2.6: Wapëgwala 19.1-35

✧ **2:8** 2.8: Wapëgwala 19.1-19

wadēw̃ hni g'anent pir tase vahnē fop; g'uhnatah ntifēni ile rokađ ge njini vambēnt hun hna; wēdahēse waŵeh nkeni wale ronkēnēđ. ¹⁴ Fop vinahan vidēw̃ hni va soŋe vēsēval ye. Vēravēđina idi wameh ŋa, do tokađēnihēhni vēle wok vēyaŵēnēna nkaŵ̃ Kēris ŋa. Vēsan vēle rēk mbalēđ đēcēt ye. Vēhni Wēnu ŋa ndēwanēhnēkēhni ŵeh! ¹⁵ Atavēni nkaŵ̃ catah ŋa do cēvēni. Nkaŵ̃ Balam, ajē Bosor ŷa, tēfēni, umē ale ŷađēho cosi soŋe ntihahn wameh ŋa. ✧ ¹⁶ Bare curiko soŋe wameh watac: fali fale wok kođina nēs nēsahnēkawo gē kopa ahnē, soŋe tavētehna kila Balam waŋi wanēnkwah wante ŋađēho nti ŋi. ✧

¹⁷ Vēle haraŋēđēhēhni vahnē wamēr va, had wahayalin waguhah nkeni; had viŋar vinte campehnēk sēl ŵeh nkeni fēna. Wēnu ŋa pēhwētanēhnēkēhni ŷēŵa hn'ile mēhwēryēk đus hna. ¹⁸ Nēsēđēni wanēs wante wok kwēhnana nafa, do mbalētahnēđēni viŋa vimeh vimbahn gē ndakēntal meh soŋe tokanihēhni vēle sahnik takan va fagant vēle wok lēđēk wameh hna. ¹⁹ Ntehnēđēnihēhni kođēni nkeni afaya do vēhni dēnk vēramp iŋa inte vēvehnēđēhēhni nkeni. Kabi ale-wo-ale nke aramp iŋē ile ŵēkēka. ²⁰ Vahnē va pehētini hnē viŷē vēvē nkal vile ronkēnēđ vi kabi njetēniha Afehēt a, Ahwēhn fu Yesu Kēris. Bare, ge viŋa vimeh vimbahn vambē kobēri va mbok pēlahni do mēkēhni, wapuyala wadēw̃ hni ŋa međ ntēbi gante nkeho wapēgwala ka. ²¹ Pecehnakēndēhēhniwo vēhni antē njetēni

nkaw̃ catah iŋa, g'ile njëtëdëni do niyahnëni kwëda pacah nte karaniniho ŋa. ²² Ile rëkatëkëhni ŷi tufahnëk ile nësëko ŷa toña ye: «Ive ŷa mbokëd tok ile nkurëk ŷa»; do iŷin fëna: «Mpëhëmpëh ŋa ge njaryik mbokëd kërëŋëta wadaŋ hna.»☆

3

Ahwëhn a njijëd

¹ Vëŷahnik mën, wëlin kayëte kigëna nte herëhnëmu ŋa. Hnë vakitak, ndënkwëtehnëdëmu wante haranirunëho ŋa danko hnëgët hnë wahakili hun hna nahan catah. ² Dënkwëtaryin wante nësëni kobëri ŋa wakila wapacah ŋa, gë kwëda Ahwëhn a, Afëhët a inte karanënihu vëfayik hun va.

³ Yëtëryin ten waŋi: hnë wafac warëkwa hna, vahnë yijëd ndasëni viŷë vëva Wën va. Viña vimeh vidëw̃ hni va liyehnëdëhëhni rac. ⁴ Ndasëdënihu ntehnatëndëni: «Yesu dehnëna bi mbokajëd? Ne lë nkeha? Warëm fu w̃a cëmëni, bare ñoñ gwëcëtana kobëri ga ntihahnik nkal ŋi!» ⁵ Bare nkehëhna ani iñë ile ndënkwëni wakwëhnampër: kobëri ŋa, Wënu ŋa g'uhnës lëw̃u ntik ambin ŋa g'inkal iŋa. Pitëndëlehnëk nkal ŋa gë wënka ŋa, do gë fere wënka ntik nkal iŋa. ⁶ Do fëna gë fere wënka watac macënek do mbëvehnëk nkal mbë kobëri ŋa. ⁷ Uw̃i hnës dënk va Wën penak ambin g'inkal mbë gaki ŋi soŋe hwëdëh ha njij pëd vëŷi vi.

☆ 2:22 2.22: Wanira 26.11

Ambin ɲa g'inkal ɲa kwëtik hafo fac kitiɲ ɲa nte mbëvehnëdeni vēyēw̃ Wën va.

⁸ Bare, w̃uhnë, vēyahnik mën, nke iñë ryampo ile wok tēfēlahna aryënkwu: soɲe Ahwëhn a, fac ryampo nke had wabëhn wuli, do wabëhn wuli nke had fac ryampo. ✧ ⁹ Vëryampo ntehnëdëni Ahwëhn a ñapëk gë idi ile nësëk ỹa, bare gena rac. Anduñënanëhnëkëfu, kabi ñadina wëla aryampo mbëv. Hali, ile ñad ỹa ale-wo-ale tav wameh wadëwu ɲa.

¹⁰ Fac le mbokahnid Ahwëhn fu ỹa nanëtëdëhëfu had ale. Fac rac, kopa samah w̃ëryëde, ambin ɲa namb ɲa nambëde, do viyë vile yehëhna hnam va mbëvehnëde. Nkal ɲa gë fop vile yehëhna va kitiɲëdeni.

¹¹ Kabi aki mbëvehnëde fop viyë vi, awa doliỹi yëkëryin d̃us hak nkeɗ uwám hun w̃a! Tëfëka afacu do ahwëhnawu nkeya nte ñad Wënu ɲa, ¹² g'inap fac Wënu ɲa, g'idi fëna fop soɲe tēki kobëri fo. Fac rac hwëdëh ha mbëvehnëd ambin ɲa, do fop viyë vëvë yaɲ vi casëɗ. ¹³ Bare Wënu ɲa nësëk mbiyëk antid ambin kasëk, nkal kasëk, do usatah fo yed hnam. Rac hnapëden.

¹⁴ Awa, vēyahnik mën, soɲe umë ye, kabi fac rac napëɗun, diryin fop soɲe ayewu haryënk̃w Wën hna vahnë vële wok vëhwëhnana dahëse w̃eh, vahnë vële wok vëhwëhnana ile niradëni, vahnë vële hwëhna yam. ¹⁵ Kwëtaryin iɲin vankaf hun hna: soɲe iduñëna Ahwëhn a hoɗerun afehëtaryiwu, had aÿënta fu Pol, g'usery ule njëɗaka Wënu ɲa, nësëhnëku vëkayëte vantëwu hna. ¹⁶ Koyëna nësëk fëna

✧ 3:8 3.8: Wahnëw̃ 90.4

hně fop vėkayėte vantėũu hna. Nke viỹė vėle lakėk gwėry vėkayėte vantėũu hna, do vahnė vėle wok vėyėtėna ińė, do ikwėtahn dėũ hni ńa yaũėna, kumpėtėdėhėhni, had gante ntidėni ka hnė Vikerėh vińėntaũ ka. Aki mbėvėdėni vėhni dėnk.

¹⁷ Vėỹahnik mėn, ŵuhnė dėnk, tame njėtėrun wańi. Awa, sońe umė kwėtėryin hakili, đanko antė ayentahniũu hnė idėnt vėỹeũ Wėnu va do aki do đanko antė cėvaryu iyaũ ikwėtahn hun ńa. ¹⁸ Bare naỹėryin g'ahaũary hnė ipėrėna g'iyėt Ahwėhn a, Afehėt fu Yesu Kėris hna. Arađi kwėhn icėmb ńa gaki do gė kantėm! Amina.

**Vikerëh Vikasëk Wën gë Wapëgwala
Wamey: Vikerëh Vikasëk Wën gë Wapëgwala (New
Testament+)**

copyright © 2018 Wycliffe Bible Translators, Inc.

Language: (Wamey)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 13 Jul 2024 from source files
dated 29 Jan 2022

f961026b-f72f-5bd7-9f75-efa7f932577e